

اقتصادیات

مجموعہ سی

خالد

اشترک بدلی

عثمانی مملکتی ایچون:
ییلانی بر بوجوق لیرا

اجنبی مملکتی ایچون:
ییلانی ۳۳ مارق - ۵۰ فرانک

دانه سی ۳ غروش

ییل ۱ - صائی ۳

علمی و عملی ہر نوع اقتصادی مسئلہ لردن بحث ایدر و ہر بازار ایرتہ سی کونی چیقار .

ادارہ خانہ : استانبول، سلطان حامی - معقولیان خانہ

اعلانہ بدلی

بردفعہ لوق مرسطر ایچون:

یکرمی غروش

سنہ لک اعلان ایچون

آیر بچہ آ کلاشیلیر

۲۹ شباط، ۱۳۳۱

مجموعہ مزہ یازاجق ذاتلرک اسملری [الفبا صیراسیلہ] : آرسلان افندی، دیون عمومیه مدیر عمومیسى - احمد امین بك، دارالقنون ایستایستیق معلی - راشید بك، خارجیہ نظارتی امور تجاریہ مدری - توفیق بك، دیوان محاسبات رئیسى - جاوید بك، سابق مالیہ ناظرى و قلمہ سلطانیه مبعوثى، جمال بك، معادن مدیر عمومیسى - حامد بك، عثمانی بانقہسى مجلس اداره اعضاسى - حسن تحسین بك، مالیہ مستشارى - خلاجیان افندی، سابق نافعہ ناظرى و استانبول مبعوثى - خلوصی بك، سابق نافعہ ناظرى و حجاز مدیر یوللری مدتی عمومیسى - ساسون افندی، بغداد مبعوثى - سعاد بك، خارجیہ نظارتی امور اداره مدیر عمومیسى - سعید بك صنایع مدیر عمومیسى - سلیمان سالی بك، نافعہ نظارتی طرق و معابر مدیر معاونى - سلیمان سرى بك، نافعہ نظارتی نافعہ مدیر عمومیسى - ضیاكوك آلپ بك، دارالقنون اجناعات معامی - عثمان فطری بك، طرق و معابر اداره سی هیئت فنیہ رئیسى - علی خانی بك، حلب مبعوثى - علی رضا بك، امور بیطریہ مدیر عمومیسى - غالب بك، پوستہ و تہلہ غراف نظارتی قلم مخصوص مدیرى - فائق نژہت بك، مالیہ نظارتی واردات مدیر عمومیسى - فرید بك، مسكوكات مدیرى - كاظم بك، مالیہ نظارتی دیون عمومیه و معاملات تقدیہ مدیرى - مصطفی بك، نافعہ نظارتی دهمیر یوللر مدر عمومیسى - مصطفی شرق بك، تجارت و زراعت مستشارى - مختار بك، نافعہ مستشارى - منیر بك، سیغورطہ لر مدیرى - نسیب بك، زراعت مدیر عمومیسى - یوسف کال بك، عدلیہ مستشارى .

نہو و بابل آبادانک اوزرنده مشہود اولان رسملہ نظر او حوالہ
لیدہ چکرکہ طعام خدمتی ایفا ایدیسورمش. فی الحقیقہ بو کون جزایر
تونس، نجد و عربستانک بر جوق نقاطندہ چکرکہ استیلاسی اہالی ایچون
بر نوع نعمتدر. بون صلامورہ صورتندہ طوزلادقلری و حکومتارک مجانا
اہالیہ طوز توزیع ایتدکلری ایشیدلکدہدر. نجد طرفندہ بونلری قو.
روتوب توزی ایلہ حیواناتی تندہ ایتدکلری داٹما واقعدر.

چکرکہ استیلا و مہاجرتی مسئلہ سنک مملکتیز ایچون نہ عظیم براہیتی
حائز بولندیغنی ای آکلامق ایچون بونک تکمیل عربستان - سورہ -
عراق عرب - موصل - دیاربکر - حلب - قونیہ - خداوندکار و بالخاصہ
ازمیر منطقہ لرینہ طاغیلش اولدیغنی تخطر ایتک و خریطہ یہ امالہ نظر
ایلمک کافیذر.

سودان چکرکہ سی ویا سیاح چکرکہ دینیلن - [Schistocerca pe
regrenum] چکرکہ قدس شریف، عموم سورہ و بیروت، عراق عرب،
حلب، آطنہ و قونیہ نی استیلا ایدر.

ازمیر و قونیہ و حلب ولایتلری اراضیسک قسم کلینسی مغرب چکرکہ سی
[Staurontus marocanus] استیلا ایدر. شو حال استیلادن مصون
ولایات پک آزدر.

چکرکہ نت نہ طرزہ نکثر و اجرای تخریبات ایتدیکی بو تہلکہ
قارشو نہ کبی تدابیر مانعہ و دافعہ اتخاذ ایدلمک لازمکدیکی قولایجہ
آکلاشیہ بیللمک ایچون اولاً بو حشرہ نک تشکلات جسمانیہ و اعتیادات
حیاتہ سی حقدہ مجمل بعض معلوماتک بیلنسی لازمدر:

چکرکہ حشراتک مستقیم الجناح فہ سندندر. وجودی بر طاقم
حلقاتک یان یانہ دزلسندن یاسلمشدر. آلتی آباق و ایکسی سرتجہ
و ایکسی غشائی اوچغہ یازار درت قتادی واردر. آغزلری اک سرت
اجسامی کمرہ جک طرزہ دیشی، جہاز ہضمیسی قوتی، وجودک ہر
بر حلقہ سنک ایکی طرفندہ نفس بورولرینک آغزلری آچلمشدر. دیشی
و ارکک آبری آبرد.

سودان چکرکہ سنک منشأی آفریقای وسطی، چات کولی. دیگر طر.
فدن آسیا بیابانلریدر. بورالردن بعض سنہل سورولرہ قالفارق
آفریقای شمالی و عراق عرب ایلہ آسیای عثمانیک قسم کلینسی استیلا و مزروعات
و اشجارینی محو ایدرلر. بو چکرکہ سورولری شباط و مارندہ
نازل اولورلر. درحال یحورطلارلر. اعظمی درت ہفتہ صکرہ بو عورطہ
لردن قورنلر چقار. بونلر سورولرہ مہاجرت ایدرلر. و راست کلدیکی
مزروعاتی محو ایدرک قرق بش کون طرفندہ قتادلانیر و اوچارلر. بو
دفعہ اولجہ یتیشہن مزروعات و اشجاری محو ایدرلر.

مغرب چکرکہ سی بزم برلی متاعمزددر. یحورطہ سی بتون قیش طو.
پراق آلتندہدر. ایلک بہارندہ یعنی مارت - نیساندہ بو یحورطہ لر چاتلار.
ایچروسندن چقان قوردرلر اون بش یکریمی کون صکرہ سورولر تشکیل
ایدرک مزروعاتہ کیرلر و تکمیل جویاتی محو ایدرلر. ایکی آی طرفندہ
استحالیہ لرینی بعدالاکال قتادلانیرلر. سورولر تشکیل ایلہ اوچوب مسافہ
جغرافیہ لرینی توسیع ایدرلر.

چکرکہ لرہ قارشو نہ یاپیلیر؟

(۱) میخانیکی (۲) کیمیوی ۳۰ حیاتی اصوللرہ اتلاف اولنور.

۱ - میخانیکی صوللر. - بونلردہ باشلوجہ شونلردر:

۱ - یحورطہ لرینی طویلامق ویا بو نوع اراضی نی سورمک.

۲ - یحورطہ دن چقیمش سرفہلری اون بش یکریمی کونلک ایکن
ازمک، چقورلرہ سوق ایتک، چارشاف آچوب ایچروسنہ طویلامق،
خندق آچق ۳۰-۳۵ ارفاعندہ چیتقو لوحہ لرینی سطح ترابہ دیمیر
چوقلرہ قائماً طوتدیروب مہاجرت ایتکدہ اولان چکرکہ سورولرینی
طوردیرمق و بونلری خندقلرہ سوق ایلہ اتلاف ایتکدر.

بو اصوللر میانندہ اک موافق اصول چیتقو اصولیدر.

۲ - کیمیوی اصوللر. - بو میانندہ کنج چکرکہ لر اوزرنہ بر
طلوبہ ایلہ ۳-۵ نسبتندہ صابون صونی سرنک ویا ۵٪ صابون

ایدہ مدیکی ایچون اعادہ ایدہ مہمش، زراعت بانقہ سی تارلا تفرغ ایدہ ایدہ
متداول بر حالہ بولونق لازم کلن سرمایہ سنی ثابت بر حالہ کتیرمشدر.
بانقہ نک بکرمنجی سنہ حسابہ مناسبتہ نثر ایلدیکی ایستاتستقہ
کوسترلیدیکی اوزرہ سنوی اقراضاتک وسطی مقداری داٹما تراید ایلدیکی
حالہ زراعت نقطہ نظرندن مأمول و منتظر اولان بر نتیجہ ایدہ ایدہ
مہمشدر. باقہ ۱۳۰۵-۱۳۱۴ سنہلری آراسندہ وسطی اولہرق سنوی
۵۷۴،۵۷۴ لیرا ۱۳۱۵-۱۳۲۴ سنہلردہ ایسہ ینہ وسطی اولہرق
۷۳۴،۶۲۱ لیرا اقراضاندہ بولنمشدر. حالبوکہ بو بیوک یکوندہ جفتجینک
حصہ سی لاشی حکمندہدر. معلومدرکہ زراعت بانقہ سی ایکی درلو اقراضدہ
بولنور. بری اموال غیر منقولہ قارشولنی، دیکری کفالت متسلسلہ اصولی.
۱۳۲۳ سنہ سندہ ۲۵۵،۴۶۶ نفر زراعہ ۱۰۹،۷۴۶،۹۲۱ اقراض
۱۳۲۴ » ۲۷۸،۶۶۳ » ۱۱۴،۳۰۱،۱۰۰ »

ایدلش اولماسنہ نظراً

سنہ سی	کفالت متسلسلہ ایلہ	بہر نقرہ اصلا	اموال غیر منقولہ مقابلندہ	بہر نقرہ
استقرار ایدنلر	بٹ ایدن	استقرار ایدنلر	غروش	اصابت ایدن
مقدار	مقدار	مقدار	مقدار	مقدار
۱۳۲۳	۳۱۰،۵۱۹،۴۶۳	۱۶۳	۷۲،۴۲۶	۱۰۸۳
۱۳۲۴	۱۸۳،۱۹۰	۱۶۳	۷۹،۱۹۵	۱۰۴۲
	۱۹۹،۲۶۸		۱۱،۶۷۲،۴۸۵	

کفالت متسلسلہ ایلہ الٹہ [۱۶۳] غروش الاک بر جفتجینک املاک
و عقارینی قارشولنی کوسترہ رک [۱۰۳۲] غروش الاک بیوک اراضی
صاحبک فوق العادہ مصرفلہ اعماری ممکن اولان طوپراقندہ نہ کبی
تعدیلات و جویجہ کتیرہ جکی جای سوہ لدر.

بناء علیہ زراعتی مدنی برشکلہ اقراض ایدہ بیللمک ایچون اول امرندہ
جفتجینی طوپراغہ باغلامق بونی تأمین ایچون حقوق تصرفیہ نی ازالہ
ایدن موانعی اورندہ دن قالدیرمق، ہر درلو منازعاتی برطرف ایدہ بیلہ جک
حکمہ مآذون ہیٹلرک الحاقیلہ قاداستروبہ باشلامق، زراعت عملہ سی حقدہ
برقانون حاضرلامق، غایت اوزون زمانلردہ اطفای ایدلمک اوزرہ زراعت
اربابنہ اراضی اعتباری تأمین ایللمک لازمدر.

۱۰ شباط ۱۳۳۱

چکرکہ لرہ حقدہ قونفرانس

بوسہ اوچ یوز بیک لیرایہ یاقین تخصیصات آلتارق و آلمانیدان دوقنور
بوٹہ رک ریاستی آلتندہ بر ہیئت جلب و سائر تدابیر اتخاذ ایدیلرہ رک باشلا.
نیلان چکرکہ مجادلہ سنک اہیتی حقدہ شباطک یکریمی آلتنجی جمعہ کونی
زراعت نظارتی طرفندن دارالفنون قونفرانس صالونندہ بر مصاحبہ ترتیب
ایدلشدی بو قونفرانسہ نظار، اعیان و مبعوثاندن و رجال مملکتندن بر
چوقلرہ مطبوعات متسللری و مکتب معلملری حاضر بولونمش و حشرات
معلمی ثریا بک طرفندن حصارہ ثابت عکسلرہ چکرکہ نک نوع و جنسلرینی،
ادوار حیاتیہ سنی، عثمانی مملکتلرندہ مستولی اولدیغنی لرلی ایقاع ایتدیکی
خوارلری کوستربر لوحہ لر ارانہ اولونوب ایضاحات ویرلشدر. مملکتیز
حیات زراعیہ سنی یاقیندن علاقہ دار ایدن بومسلہ نک اہیتی حسیلہ مذکور
قونفرانسیک خلاصہ سنی حاوی اولارق کنج و مقتدر معلمک یازدینی مقالہ نی
آشانیہ دج ایدیوروز:

محمد ثریا

زراعت و اورمان مکتب عالیہ سی فن
حشرات درس ولاور اتوار معلمی

چکرکہ لر

ہر ظہور ایتدیکی محیطہ بر آفت اقتصادیدہ و اجتماعیہ احداث
ایدن چکرکہ استیلا سنک سنین اخیرہ طرفندہ مملکتیز نہ بیوک ضرر
و زیانہ سببیت ویردیکی ایضاح و بولبیہ قارشو اتحادی ایجاب ایدن
تدابیر فنیہ و ادارہ حقدہ بعض معلومات مجملہ اعطا ایدہ جکم.
چکرکہ بلاسی اک اسکی زمانلردنبری معلومدر. مثلاً ہند آثار
شعربہ سندہ سوزی کچر. نوراندہ چکرکہ تکرار و بالخاصہ ایکنجی
(ژوئل) مجتہدہ اہمیتلہ ذکر ایدلشدر. اسکی عبرانیلر متعدد اجناس
یکدیگرندن تقریبی بیلہ ایدیورلردی.

سہ سنک نصف اخیرندہ ادخالات ۱۲۴۰ء، اخراجات ۱۰۴۵ء ملین
قورونہ بالغ اولمشدی . شو استاتستیکلردن آکلاشلدیغنه کورہ
بدایت حربہ تجارت خارجہ فوق العادہ بر سکتہ یہ اوغرادینی
حالہ بالآخرہ وضعیت یواش یواش ایلشمش وایلک حرب سہ
سنک نصف اخیرندہ ادخالات و اخراجات نصف اولک ایکی
مثلی درجہ سندی تزیاید ایتشدرد .

تجارت خارجہ نیک بو درجہ تناقص ایتسنہ سبب شودرکہ
ملکتندہ ایش کورہ بیلہ جک بتون قوتلر اعمالات حربیہ و داخلی
احتیاجاتک تسویہ سی ایچون قوللانیش و آنجق پک آز مالک
اخراجہ مساعده اولمشدر .

تجارت خارجہ ایلہ مناسبدار ایکنجی بر مسئلہ دہا واردہ ،
اودہ قورون رائجی مسئلہ سیدر . بر سنہ طرفندہ ادخالات، اخرا-
جادن ۶۵ء ملین فضیہ اولدینی ایچون مالک اجنیہدہ قورون
مقداری پک زیادہ چوغالشی و عرض و طلب قاعدہ سی مو-
جنبہ بالطبع قیمتی پک زیادہ تنزلہ اوغرامشدر . بزدہ محاربہ دن
اول قورون فیثائی لیرا ۲۱،۹۰ درجہ سندی ایکن کچندہ لیرا ۳۶
درجہ سندی قدر دوشمشدی . بلغارستان ، رومانیہ و سائرہدہ
حال بویلہ اولمشدر .

پارہ نیک بو درجہ تنزلہ اوغرامسی نتیجہ سندی آوستریا-مجار-
ستان تجاری خارجدن اجرا ایتدیکی مبیعات ایچون یوزدہ الی
آلمش درجہ سندی جہالی مال آلمش اولیورلردی . ادخالاتک پک
چوق اولدینی بر زماندہ بو قدر فداکارلغہ مجبور اولمق آوستریا-
مجارستان ثروت ملیہ سی ایچون پک بیوک بر ضرر تشکیل ایدردی .
بو حالہ چارہ ساز اولمق ایچون آوستریا - مجارستان حکومتی
[Devisenzentrale] نامیہ برادارہ مخصوصہ وجودہ کتیرمشدر .

بو ادارہ مخصوصہ بمالک اجنیہدہ قورون رائجی اصلاح
ایتمک ایچون پک مهم بعض تدبیرلر اتخاذ ایتشدرد . بو جملہ دن
اولہرق زینتہ متعلق اموال وامتہ نیک خارجدن ادخالتی تحت
منوعیتہ آلمشدر . بو صورتہ ادخالات بر درجہ یہ قدر تحدید
ایدیلنجہ خارجدہ کی قورونلر آزمائش و بناء علیہ رائج بر درجہ یہ
قدر ایلشمشدر .

بو صوک زمانلردہ اخراجاتی چوغالتمق ایچون پک جدی
تدبیرلر اتخاذ اولمش و بونلرک بر چوغی موفقیئتہ نتیجہ لشمشدر .
اخراجاتی تزیاید ایتمک ایچون بعض خصوصاندہ احتیاجات محلیہ ی
بر پارچہ تضیق ایتکندنہ چکنم یورلر .

قورون رائجی اصلاح ایچون اتخاذ اولنان تدبیرلردن بری دہ
خارجدہ استقراض عقدندن عبارتندرد . بو جملہ دن اولہرق اخیراً
آلمانیدن مارق اوزرینہ بر استقراض عقد اولمشدر . بوندن بویلہ
آوستریا-مجارستان ایچون آلمانیدہ اجرا ایدیلہ جک مبیعات قورون
ایلہ دکل مارق ایلہ تأدیہ اولنہ جقدر . بونک نتیجہ سی اولہرق
شیمیدن آلمانیدہ موجود قورون مقداری آزمائش، قورون فیثائی
بر پارچہ یوکشمشدر .

٪ ۵ پترول ویا معدنی قطران معلولی سرنیک شایان توصیه در .
فقط چکرکہلرہ قارشو استعمال اولنان علاجلر میانندہ الک موافق
اولان بونلری (پارس پشیل) و (آرسینی اسود) نام صودہ منخل ملجی
یکمزلہ طاتیللاشدردقندن صکرہ استعمالدر .

۳ حیاتی اصوللر . - بو اصوللردن مقصد چکرکہ نیک طبیی
دشمنلردن استفادہ ایتکدر . انواع قوشلر مثلاً صغیرجق، لیلک قوشلری
چکرکہلرک الک مدھش دشمنلردندرد . حتی آنقرہ ددہلرک اوقوعش
صوری طاغیدہرق بو قوشلری چکرکہلی نواحیہ جلب ایتدکری بین
الناس مشہوردر . قوشلردن باشقہ حشرات فرقه سندن برطاقم سینکدر
دہ چکرکہلرک پک مهم دشمنلردرد . بونلردن ممکتزده الک مشہوری
[Anthrax fenestrata] دینلن سینکدر . بو سینک بالخاصہ فرات سوا-
حلندہ چکرکہ مورطہ لرینہ ٪ ۸۰ خسارات ایقاع ایتکدہد . چکرکہ
لرہ ساری خستہ لی ایصال ایدن برطاقم مقروب و منظارلردہ واردرد . بو
نوع عوامل کرچہ چکرکہ و دیگر حشراتہ بعضاً بیوک تلفاتی موجب
اولندہ ایسہدہ فن دہا هنوز بو وسائط حیاتیہ دن صنی بر صورتہ
استفادہ چارہ سنی ساحۂ تطبیقاتہ چقارامامشدر . بو جملہ دن اولمق
اوزرہ ۱۳۲۹ سنہ سی استانبول جوازندہ ایتالیا چکرکہ سی جنسنہ
عارض اولان [Entomoptora grylli] نام منظار بیوک بر ساری خستہ
لق تولید ایدہرک بتون چکرکہلرک وجودینی پک آز بر زماندہ اورتہ دن
قالدیرمشدر . حالو کہ خستہ لغک عاملی اولان منظارک اسپورلرینی کچن سنہ
ازمیرہ کوتوروب تجربہ ایتدیکمزدہ منظارک استانبول جوازندہ تکرر
ایچون بولدینی رطوبتی بولامادیغدن تجربہ لردہ موفق اولامادق . بومیاندہ
[Coccobacillus acridiorum] دہ ذکر ایدہ بیلیرز . ۱۳۲۹
سنہ سندی بو مقروب ازمیردہ تجربہ ایتدکمز حالہ مثبت بر نتیجہ یہ
واصل اولامادق . شو حالہ وسائط حیاتیہ شمڈیلک تطبیقاتدہ چکرکہلرہ
قارشو عملی بر فائدہ تأمین ایدہ مہمشدر . نتیجہ : چکرکہلری اتلاف ایچون
اصولک انتخابدن زیادہ منتظم بر طرزدہ وھپ بر لکدہ چالشمق، اتلاف
ایچون الک موافق اولان زمانی قاجیرماق لازمدر . بونک ایچون ممالک عثمانیہ دہ
چکرکہ مستولی اولان ولایات شمڈیلک اوزدرت چکرکہ مجادلہ مدیریتہ تقریق
ایدلش و بو مدیریتلر دخی حدودلری درت بش ساعتدن بعید اولمق
اوزرہ برطاقم مناطقہ تقسیم ایدیلوب بر قاج مناطقیہ بر چکرکہ مجادلہ ضابطی
تعین و بونلرک معینہ دہ بہر مناطقیہ ایچون بر معقب ، بر چاوش
وکافی درجہ دہ عسکر و برہلرک بر تشکیلات اداریہ وجودہ کتیرمشدر .
بو تشکیلاتدن بکنیان فائدہ صبیقتیش ایلہ ہر کی چالشدیرہ بیلیمکدر
چونکہ چکرکہ مجادلہ سندی شرائط موفقتندن برنجیسی ہر کسک ال بر لکیلہ
زمانندہ چالشماسیدر . بر طرفک چالشماسی دیگرلرینک سعبارینک ہبا
اولماسی موجب اولور . بر طرفدن بو تشکیلات اداریہ تأسیس ایدیلکی
و دیگر طرفدن دہ آرسنیق اصولی تعیم ایدہ بیلیمک و حیاتیات اصوللردن
دہ استفادہ ایتک اوزرہ بر قاج یردہ لابوراتوارلر تأسیسہ آتی دہ
بو لابوراتوارلردن الہ ایدیلہ جک نتائج حسنہ یی تشمیلی واسکی اصوللری
ترک ایتک و بردہ تشکیلات فنیہ وجودہ کتیرمکدر . بو سنہ حرب
مناسبتہ آوروپادن یالکز یوز ایکی کیلومترو طولندہ جتقو لوحہ جلبی
قابل اولہ بیلیمشدر . بو آلت و مجلس ملینک ویردیکی تخصیصات ایلہ چکر-
کہلرک زیانلرینک اوکنہ کچلمسی قویاً مأمولدر .

حرب اثنا سندی آوستریا-مجارستانک تجارت خارجہ سی

بتون محارب مملکتلردہ اولدینی کی آوستریا - مجارستانندہ
دہ تجارت خارجہ احوال حربیہ دن پک زیادہ متأثر اولمشدر .
۱۹۰۴ سنہ سنک نصف اخیر ی طرفندہ ادخالات ۵۰۹ء ملیون،
اخراجات ۳۰۹ء ملیون؛ ۱۹۱۵ سنہ سی نصف اولندہ ادخالات
۹۹۲ء، اخراجات ۴۴۶ء ملیوندن عبارت قالمشدر . حالو کہ ۱۹۱۳